

PEREIRA KYBAN
DIKINII: ACERVO IPHAN

PY AICHAP WYRY'Y **KADYZYI**
IDIWEY SABAPAKARIWEI
RURAIMA DI'A DA'Y
SUPERINTENDÊNCIA
IPHAN DI'AN



MINISTÉRIO DA
CULTURA



KANDII WYRY'Y SABAPKARIWEI AIMEAKAN KID?

Aiapkary manawyn kadakuinhapkary wyry'y kadyzyi sabapakariwei da'y ixa'apnyn kayan yryy idi'a kainhaa irib aimeakan kid tyry'au iaichapkau pamaxapkiz kawan at, aimeakantinke'u uu auna'u tyry'y itykapkau uu ipixatkau.

Wyry'y sabpakariwei aimeakan, Decreto-Lei n° 25/1937 kawan at, y aidkidian **aimeakan kid tyry'au izikedkau na'ik auna'uraz tyryy izikedkau** kainha'auraz wizei Brasil idi'a, aiapkariweizu isabapakau, itapan na'ik inhykynykidian id Brasil kutyan, imanawyny'uraz itykapkau kutyainhau daynizu uu kutyainhau paradan nii, kaiwekary nii tuminhapkinhai nii uu aimekan tumkariwei aidiakau nii, mydkariwei pamaxaapkiz kawan at, wyry'y kawan at paminha'ytankidi'auraz Tombo Karichannaa kid: kutyainhau daynizu, paisagístico na'ik kutyainhau paradan; kutya'u; belas artes na'ik artes aplicadas (Livros do Tombo: arqueológico, paisagístico e etnográfico; histórico; belas artes; e das artes aplicadas).

Wyry'y **kadyzyi idiwey sabapakariwei tyrya'uraz ipixatkau** yryy ipei xa'apa'uran aimekan tyrya'u isu'utkau na'ik iduwaytkau, aunan py'y ikamichan uu ixa'apatkau, tyryy yryy sabapakariwei uu aunaa. Wyry'y kawan: aimeakan tumkariwei, aimekan kaiwepkariwei kid, kutyainhau daynizu ikudkau kid, karichanau sadkariwei, parapi uu bun kadyz kid, kabayn kadyz kid, kamicha kadyz kid, karich sabapakariwei kid, museológicos, dikinii kid na'ik cinematográficos.

Aizii wyry'y **kadyzyi sabapakariwei auna'uraz tyryy ipixatkau** inhau aimeakan kid auna'u tyryy insu'utkau pawiz ai ixa'apnyn kayan aunaa tyryy izamatkau uu uiakaunii nii isabapakau uu panadkidian nii na'apa'uran itykapkau, kainha'a idikinhayda'y inkadyz: monumento, sítio uu conjunto. Wyry'y aimeakan kid auna'uraz tyryy ipixaatkau kaipa'u kabayn kid tumkau kawan, kutyainhau dunuinhau, sítios arqueológicos na'ik paisagísticos, maxaapkizei wa'akyn, pauribeibau, parque kutya'u na'ik panibezut kid.

Wyry'y aimeakan kid tyrya'uraz izamatkau tyry'y kapam **inbaukutkau**, uu xa'a, in mydkau amazad tumkariwei idi'a, mazan aunaa tyryy itykapkau kabayn tumapkau kawan, uu insu'utkau dun wyry'y aimeakan auna'uraz tyryy izikedinhan di'ik, xa'patanyz uu wa'akan daynizu, ibaukupatkau na'ik ibaydaptinhan id. Imanawynyinhau baukupatkariwei in bi'i kainha'a: kabaynazuu kunaynamadakary, imanawynyinhau naubanaí dap, kutya'au aimeakan dapnaa kid, chuchi kid. Chuchi kid nazuu ia'u, tandakariwei parietais, painéis fixos, balaustradas aimeakan mad idi'u, forros tandakariwei, chafarizes, revestimentos azulejos idi'u, relógios torre di'au na'ik irib baurainhau.

Wyry'y Forte São Joaquim do Rio Branco yryy baydapa'u aimeakan lphan sabaanii wizei Ruraima idi'a. Itumkau portugueses nau diydan kawan at (dunuzuinhau kaydinhan idia'an) wyn 1775 dun, aunan id aiapkary espanhol nau, holandeses nau na'ik ingleses nau murutinhau amazad, na'ik ikatunutkau wyn 1900 dun, irib wyn imanhykynytkau, yryy id ipei ikuidiapkau kaiwekary nii baurainhau kabaynnau tumkinhau nii. Wyn 2010 dun, Forte São Joaquim do Rio Branco wa'akyn mydkau baurainhau kabayn kid tumapkariwei wizei Brasil idi'a.



Forte São Joaquim do Rio Branco. Tuma'u: GEORGE HUEBNER, 1906 [1904]. Na'iki'uran isu'utkau: OURIQUE, 1906.

KANDII WYRY'Y SABAPAKARIWEI AUNA'URAZ TYRYY IPIXATKAU UU IZIKEDKAU?

“Wyry'y tumpa'u kadyzyi sabapakariwei auna'uraz tyryy izikedkau wizei Brasil idi'a, tumkariwei Decreto N° 3.551 di'an, kamuu 4 kayz agosto wyn 2000, yryy dun sakadkau sadkidian aimeakan kid auna'uraz tyryy izikedkau, tykapkariwei kadyzyi sabakary nii wizei Brasil idi'a na'ik itumkidian Programa Nacional sabapkariwei auna'u tyryy izikedinhan, ina'akpan tumapkariwei, aidkidian di'an, aidinhan di'an na'apau'ran, aichpan na'ik na'apa'uran xa'aaptan aimeakan di'an-patymaka aimeakan kaiwepanii tym, aimeakan kid tumkariwei na'ik amazad kadyzyi di'iti'u izamatinpen- na'ian wyry'y wizeinhau kid, baukupunhapkary, bayda'yki'i tykpan patymaka patym wyry'y kadyzyi sabapakau tym” (Convenção para a Salvaguarda do Patrimônio Cultural, 2003).

Wyry'y kaydinkizei na'ik tuminhapkary kadyzyi auna'u tyry'y izikedkau saabakary da'y, tykpan wyry'y aichapkary kadyzyi da'y wa'atin sariap pidiannau di'ik, baukupunhapkary uu wizei kid di'ik, yryy id aiapkau wa taapan pidian kakypan ixa'apnyn kayan yryy tapau aichapkary aiapkariwei manawyn wyry'y sabapakariwei kakypkinhaa nii, suu na'ik tyryy wa di'ichapan na'apan tyryy wa sabanyzu uu watapanyzu imanawynyu nii.

“Aichapkary kadyzyi da'y su'utkiz” tyryy di'ichapkau xaapatkariwei nii na'ik aimeakan kadyzyi idiwey kainha'auraz idi'ichapkidian pidian nau maxapainhawyz itym, tumainhawyz na'ik yryy idi'ana'uraz in aidian naydapakary pabaurantin na'ik baukunhau tym. Sadkariwei wyry'y

baukupunhapkary capoeira da'y na'ik saadkary wa'ati'uraz wryy'y tuminhapkidiahau capoeira di'ik inhau aidkariwei sabapakariweinhau auna'u tyryy itykapkau uu izikedkau nii kaihna'auraz ipei wizei idary'u idi'a. Wryy'y baukupunhapkary capoeira da'y Organização das Nações Unidas naybanii tuminhai at, Ciência at na'ik Cultura (UNESCO) ati'u wryy'y kadyzyi sabapakary auna'uraz tyryy izikedkau ipei amazad 150 wizei idi'a.

Wakadakuinpan wryy'y iribe'u kadyzyi kid daya'u, pana'akidia'u maxaapkary daya'u, pana'akidi'au paradkary, paradinkinhai, maxaapkinhai, aruapkinhai, di'itinhapkinhai.

Wryy'y aimeakan kid sabapakariweyzu aipen aichanimen **kazuwaytpainhau baukuptinpeinhau na'ik tumpainhau wryy'y aimeakan**, tawynau aichapainhawyz kadyzyi aimekanicha da'y na'ik dubatkidi'azu'uraz aichapkary, kunaynamdan aidkidian di'a na'ik imanawyn tan di'an tuminhapkidiahau wryy'y kadyzyi ipei pidiannnau tym na'ik baukuptinkery idi'an.



Salvaguada da Capoeira Ruraima idi'a. Na'iki'uran isu'utkau: Acervo do Comitê Gestor da Salvaguada da Capoeira Ruraima idi'a.

Wryy'y kadyzyi sabapakariwei zamatapnii aimeakan ki'i kutyainhau di'au pidiannau baukuptinpen di'iki'u, dubatapki'ikariwei ipei xakatkary kawan at, na'ik aidkidi'au baukunhau baurainhau za'a. Wryy'y Instituto Patrimônio Histórico na'ik Artístico Nacional (Iphan) kaydinkiz, aiapkau itapan na'ik aidkidian aimeakan kid kadyzyi idiwey wizei Brasil idia'u, tapkidian dia'an ina'an na'ik ikaiwekau kainhau na'ik dini'itinhau at. Wryy'y kadyzyi sabapakariwei tyrya'u ipixatkau (tyryy mydkau sabapakariwei aimeakan daynizu da'yna'u) uu auna'u tyry'y ipixatkau.

KANDII WYRY'Y TUMINHAPKARY AIMEAKAN UU PIDIAN DAYNIZU DA'Y?

Aunaa iribeinhau di'ichpan kawan man, wryy'y tuminhapkary aimeakan uu pidian daynizu da'y aunaa tuminhapkary dinossauro nau niweyzu da'y man, na'ik wryy'y tuminpeinhawyz wryy'y aimeakan daynizu da'y aunaa chi'ikpainhau karikeunan man “durutpa'u imanawyny'u aimeakan” wryy'y filme Indiana Jones kawan.

Wizei wryy'y tuminpeinhawyz aimeakan daynizu da'y tuminhapkiz kid dakutkau sítios na'aia'uran kainha'a aimeakan daynizu, wryy'y wizei kid di'ii tyryy ikudkau daynyzyi kid pidiannau kutyainhau maxaapkiz daynizu, na'ik tuminpeinhau ida'y tiwen pa di'ichpan na'apauran wryy'y baukunhau maxaapayzun.

Ruraimaa bakaiayda'y pidian nanaa amazadnau Iphan aichapnii na'ik 3 mydkariwe'inaa ikamun: Sítio Arara Vermelha/Pedra do Sol 9.400 wyn kid A.P¹ (São Luiz do Anauá-RR ii), Pedra Pintada 4.000 wyn A.P. (Pacaraima-RR ii), Forte São Joaquim do Rio Branco idin 1775 dunu'u (Bonfim-RR ii).

1 Wryy'y A.P. yryy xa'aptinkinhei kaiwekariwei manawyn tuminhapkary aimeakan uu pidian daynizu da'y idi'a aidkidi'aunii amazad kutya'u.



Kyb diminkidia'u ikudkariwei wizei na'ian kainha'au aimeakan daynizu kid Itã idi'a, Caracaraí-RR. Na'iki'uran isu'utkau: Acervo Iphan-RR.

NA'APDII TYRYY KAMINKE'YTAN KADYZYI SABAPAKARIWEI NAIA'URAN KAINHA'A AIMEAKAN UU PIDIAN DAYNIZU TAPKAU?

Py aichapnii ipei wryy'y sítios na'ian kainha'auraz aimeakan kid na'ik na'ian tyryy aimeakan uu pidian daynizu ikudkau kainha'u izannaa, imasadinkan py'y lphan di'it? Xa'apa'uran pidian tyryy ikudan sítio uu aimeakan aidia'au aimeakan daynizu, kainha'a inhau ipei na'ian, na'ik irib inhau auna'uzii lphan aichpan. Imanawyny'u manawyn wryy'y sítio ikudkau dun na'ik/uu aimeakan kid aidia'u padaynizu, aunaa aiapkau su'utkau nii kanum pa wiz di'ik. Tyryy suu idikin su'utkau (aunaa kanda'u tym man, mydkau baydap aimeakan idazaba'a kaiwekary nii escala nii, tyryy ainharibei, saribei uu kii kawany'u) na'ik sadkau ipei kywai wryy'y ikudkariwei dayan (kainha'au aplicativo mawinpinaa dayny'u dakutkariwei "Timestamp câmera free"), yryy idi'an tyryy py su'utan dikinii coordenadas geográficas tym) na'ik diydan lphan di'it ipei py daya'u tym (yy, ma'achai awyn ainharib na'ik e-mail) marinha'akiz lphan paradan py tym na'ik itykpakiz wryy'y aimeakan ikudkariweyz. Ipei kywai imanawyny'u wryy'y, py nhykynyy pa'i pikudan aimeakan auna'u itykpayzu kau wryy'y! Wryy'y aimeakan kii kutyainhawyzu ikudkariweyz imanawyny'u wryy'y tuminhapkary at, yryy id aunaa pyxakatkidiana pyrat dikin ii uu pytura'anaa xa'apau'ran xa'apayzii, py nhykynyy, kazannau wryy'y na'ik py tuman nii uia'u aimeakan!

AUNAA KAIMEM ITUMKAU

Zuwaidian aimekan kid, tuman ka'ynary kid, kabutan kaniribe'u, pixtan tanadkariwei/dikinii su'utkariwei/aimekan kid, tazayan dikinii kid su'uta'azun inirib, zy'an/tandan tumkariwei/tandakariwei tiwe'uzun aidian aimeakan, su'utan dikinii kanadpa'u tym, zaidian uu dakaztan iwiznhaa, tapadan tapi'iz dakazan iwiznhaa, uu mydan tikez maunap iwiznhaa idi'a, ixa'apnyn kayan wryy'y aimeakan kid tumkariwei ui'an nii wryy'y sabapakariwei kid.

lphan Superintendência técnicas nau Ruraima idi'au tumnii: Lady Loreine Amorim Silva, Larissa Maria de Almeida Guimarães na'ik Rafaela Regina Pascuti Leal. Joice Wapichana tanawat nii Wapichan di'it.

Aichpa'azukau dun pawa'azii aimeakan: www.gov.br/iphan

Superintendência do lphan em Roraima

Endereço: Rua Coronel Pinto, 465 - Centro

Boa Vista/RR - CEP. 69301-150

Tel.: (95) 98406-3836 / (95) 98414-0760

E-mail: protocolo.rr@iphan.gov.br